

60

FÒZAS GROGAS ATTUNZINAS

Fozas grogas attunzinas  
 bido subra de me falende,  
 sutta e s'arvure passende  
 cando ziro in sa cussorza;  
 no bi cheret mazadorza:  
 ruen a sas primas frinas.

Cando fizis birdes cando  
 mudaizis s'adde in festa,  
 oe a manca e a dresta  
 bos bido ruende fozas,  
 de su irde mantu ispozas  
 sezis e non che a tando.

Sun sinnales de attunzu  
 custas fozas ingroghidas,  
 cando fin birdes sas sidas  
 fit beranu, fit istiu;  
 oe grogas senza briu  
 las bolas bentu a murrunzu,  
 fizis prima una bellea,  
 bos mirao chin amore,  
 oe a mie dolore  
 faghet si passo in su sartu:  
 ca ias fizis in artu  
 bos cantao a boghe tesa;  
 oe canto sa tristura  
 de sas grogas fozas mias  
 e no che atteras bias  
 bos cantao allegru muttu:  
 oe sas fozas distruttu  
 m'hat sa lezze de natura.

LIERRI`

NANNI BURREDDU

SASSARI